

**MAKTABGACHA, UMUMIY O‘RTA VA MAKTABDAN TASHQARI
TA’LIM TASHKILOTLARI PEDAGOG KADRLARINI
ATTESTATSIYADAN O‘TKAZISH UCHUN INGLIZ TILI FANIDAN
MALAKA SINOV TOPSHIRIQLARI
SPETSIFIKATSIYASI**

Mazkur spetsifikatsiya Ingliz tili fanidan umumiy o‘rta ta’lim tashkilotlari o‘qituvchilarini attestatsiyadan o‘tkazish malaka sinovining umumiy tamoyillari, me’yoriy asoslari, baholashning qamrovi hamda baholash mezonlari talablarini aks ettiradi.

I. Umumiy tamoyillar

Baholash maqsadi – talabgorlarning ingliz tili fani o‘qitish metodikasi bo‘yicha nazariy bilimlari, amaliy ko‘nikma va kompetensiyalarini kompleks baholash.

Ushbu baholash natijalari asosida pedagog kadrlar attestatsiyasida qabul qilinadigan qarorlar asosli bo‘lishini ta’minlash maqsadida baholashning barcha bosqichlarida validlik, ishonchlik, adolat va shaffoflik tamoyillariga rioya qilinishi ta’minlanadi.

II. Me’yoriy asoslar

1. O‘zbekiston Respublikasi Prezidentining 2023-yil 26-maydagi “Maktabgacha va maktab ta’limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to‘g‘risida” PF-79-son farmoni.

2. Vazirlar Mahkamasining 2021-yil 17-sentyabrdagi “Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibini takomillashtirish chora-tadbirlari to‘g‘risida”gi 572-son qarori.

3. O‘zbekiston Respublikasi Vazirlar Mahkamasining 2023-yil 29-dekabrda “Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibi takomillashtirilishi munosabati bilan O‘zbekiston Respublikasi Vazirlar Mahkamasining “Maktabgacha, umumiy o‘rta, o‘rta maxsus, professional va maktabdan tashqari ta’lim tashkilotlari pedagog kadrlarini attestatsiyadan o‘tkazish tartibini takomillashtirish chora-tadbirlari to‘g‘risida” 2021-yil 17-sentyabrdagi 572-son qaroriga o‘zgartirish va qo‘shimchalar kiritish haqida”gi 692-son qarori.

III. Baholash qamrovi

Ingliz tili fani o‘qituvchilari uchun malaka sinovida jami 50 ta test savollari (mutaxassislik fanidan 35 ta, pedagogik mahorat fanidan 10 ta va kasbiy standartdan

5 ta) topshirig'i taqdim etiladi va test topshiriqlarini bajarish uchun 105 daqiqa (mutaxassislik fani, pedagogik mahorat hamda kasbiy standart) vaqt beriladi. Bunda yopiq test topshiriqlaridan (*yagona to'g'ri javobni talab qiladigan test topshiriqlari, moslashtirishni talab qiladigan test topshiriqlari va ketma-ketlikni talab qiladigan test topshiriqlari*) foydalaniladi. *jadval*

Test topshiriqlarining mazmun sohasi va baholanadigan konstruktlar bo'yicha taqsimoti

Mazmun sohasi	Baholanadigan konstruktlar	Test topshiriqlari soni
I. INGLIZ TILI		35 ta
1. O'qib tushunish (1 - 15 savollar)		
1.1. Ilmiy-ommabop matnni o'qib tushunish	- matnning asosiy g'oyasi, maqsadi va auditoriyasini, muallif pozitsiyasini aniqlash; - matnda ochiq aytilgan muhim detallarni tushunish; - matnda ochiq aytilmagan ma'lumotlar, fikrlar, g'oyalarni anglash; - matndagi fakt va fikrni farqlash; - ma'lumotlarni izohlash, taqqoslash va umumlashtirish; - matnda qo'llanilgan leksik birliklarning ma'nosini kontekstdan anglash.	6
1.2. Voqeaband matnni o'qib tushunish	- matnning asosiy g'oyasini aniqlash; - matnda ochiq aytilgan muhim detallarni tushunish; - matnda ochiq aytilmagan detallarni anglash; - matnda tasvirlangan voqealar ketma-ketligini tushunish; - voqea ishtirokchilarini tavsiflash; - matnda qo'llanilgan leksik birliklarning ma'nosini kontekstdan anglash.	5
1.3. Matn yaxlitligini tushunish	- matnning umumiy yaxlitligi va mazmuniy birligini tushunish - matn yaxlitligini tiklash (gaplar yoki xat boshi tartibini to'g'ri joylashtirish orqali); - matn strukturasi va qismlar o'rtasidagi bog'liqlikni aniqlash (kirish, rivojlantirish, xulosa); - matn qismlari o'rtasidagi mantiqiy va diskursiv bog'lanishlarni tushunish (masalan, sabab-oqibat, qarama-qarshilik, izohlash, ketma-ketlik).	4
2. Til sohalarining qo'llanilishi (16 - 35 savollar)		

2.1. Grammatika	- grammatik strukturaning nomini va qo'llanilish o'rinlarini tanlash; - berilgan kontekstga mos grammatik birlik tanlash; - berilgan nutq namunasida grammatik xatoni topish va tushuntirish; - berilgan gap yoki jumlaning grammatik transformatsiya qilish (o'zgartirish); - grammatik xato sababini berilgan variantlar ichidan tanlash; - berilgan gapning grammatik jihatdan to'g'ri o'zgartirilgan variantini aniqlash; - o'xshash grammatik shakllardan ma'noga eng mosini tanlash.	7
2.2. Leksika	- berilgan kontekstga mos leksik birlikni tanlash; - berilgan leksik birlikning kontekstdagi ma'nosini aniqlash; - berilgan leksik birlikka kontekstga mos sinonimni tanlash; - so'z yasalishi qoidalari asosida berilgan kontekstga mos so'z yasash; - ma'nosi yaqin bo'lgan leksik birliklar orasidan kontekstga eng mosini tanlash (near-synonyms: say / tell / speak / talk); - leksik xatoni aniqlash (noto'g'ri tanlangan so'zni topish); - berilgan kontekstga mos bo'lmagan leksik birlikni aniqlash. (collocation, register yoki ma'no nomuvofiqligi).	7
2.3. Pragmatika	- berilgan vaziyatga mos og'zaki va (yoki) yozma nutq namunasini tanlash; - berilgan og'zaki va (yoki) yozma nutq namunasining kontekstda nazarda tutilgan ma'nosini anglash (literal meaning (to'liq ma'no), irrelevant interpretation, opposite meaning, exaggerated meaning); - berilgan og'zaki va (yoki) yozma nutq namunasining ijtimoiy va kommunikativ jihatdan kontekstga mosligiga baho berish. - diskurs (suhbat) asosida mos javobni tanlash (random statement, off-topic comment, irrelevant fact, confusing remark); - berilgan kontekstga mos muloqot strategiyasini aniqlash (making suggestion instead of request, giving unrelated information, expressing opinion instead of asking, ignoring speaker's intent); - xohish yoki niyatni farqlash (giving direct order, expressing anger, asking irrelevant question, making a statement unrelated to intent).	6

Test topshiriqlarini tuzishda foydalaniladigan matnlarga qo'yiladigan talablar quyidagi jadvalda aks etgan:

1- jadval
Matnlarga qo'yiladigan talablar

T/r	Matnlar	Mazmuniy talabalar	Hajmiy talablar
1	Ilmiy-ommabop matn	Standart ingliz tilida yozilgan, muayyan sohaga bag'ishlangan, keng auditoriyaga (nomutaxassisga) mo'ljallangan ilmiy-ommabop matn (gazeta, jurnal yoki internet maqolasi)	350-400 so'z
2	Voqeaband matn	Muayyan voqea (real yoki xayoliy) tasvirlangan matn (gazeta yoki internet maqolasi yoxud badiiy asardan parcha)	350-400 so'z
3	Matn yaxlitligi	Standart ingliz tilida yozilgan, keng auditoriyaga mo'ljallangan, muayyan muammoga bag'ishlangan matn (gazeta yoki internet maqolasi)	250-300 so'z

Kasb standartlari va pedagogik mahoratdan tuziladigan test topshiriqlarining mazmun sohasi va baholanadigan bilim va ko'nikmalari bo'yicha taqsimoti

3-jadval

1. KASB STANDARTI (36 – 40-savollar)		5 ta
1.1. Kasbiy standartlar	– pedagogning kasbiy standartlari (o'quv jarayonini rejalashtirish, ta'lim samaradorligini ta'minlash, o'zlashtirishni baholash va qayta aloqani taqdim etish, tarbiyaviy faoliyatni tashkil etish, xavfsiz rivojlantiruvchi ta'lim muhitini yaratish va ta'minlash, o'z-o'zini rivojlantirish va kasbiy o'sish, hamkasblar va ta'lim oluvchilarning ota-onalari bilan hamkorlik qilish)ni bilish va pedagogik vaziyatlarda qo'llay olish	5
2. PEDAGOGIK MAHORAT (41 – 50-savollar)		10 ta
2.1. Umumiy pedagogika va pedagogik mahorat	- darsni rejalashtirish va sinfni boshqarishdagi umumiy yondashuvlarni bilish; - darsni rejalashtirish va sinfni boshqarish yondashuvlarini konkret vaziyatga (ssenariyga) qo'llay olish; - darsni rejalashtirish yoki sinfni boshqarish bo'yicha qarorning berilgan vaziyatda mosligiga baho berish.	5

2.2. Ingliz tili o'qitish metodikasi	- ingliz tili o'qitish metodikasiga oid yondashuvlar, nazariy ramkalar (<i>framework</i>) va metodlarni farqlay olish; - ingliz tili o'qitish metodikasiga oid yondashuvlar, nazariy ramkalar va metodlarga oid asosiy terminologiyani bilish; - berilgan yondashuv doirasida darsga oid qabul qilingan qarorlarga baho berish; - berilgan yondashuv doirasida vaziyatga (ssenariyga) mos harakat yoki faoliyat turini tanlash; - qamrab olinadigan yondashuvlar va metodikalar: Structural Approach, TBLT, PPP, Lexical Approach, Functional Approach, Communicative Approaches, Grammar-Translation, Guided Discovery, Content-Based Learning, CLIL.	5
Jami		15 ta

Test topshiriqlarining kognitiv ko'nikmalar bo'yicha taqsimoti quyidagi jadvalda aks etgan:

2-jadval
Kognitiv ko'nikmalar taqsimoti

T/r	Kognitiv daraja	Izohi	Testdagi ulushi
1	Bilish va tushunish	Fanga doir nazariy ma'lumotlar, atamalar, qoidalar, tushunchalarni eslab qolish, ularning mazmuni, maqsadi va qo'llanilishini tushunish	8
2	Qo'llash	Bilim, tushuncha va protseduralarni yangi (notanish) kontekstlarda qo'llay olish	35
3	Mulohaza qilish	Faktlar, dalillar, fikrlarni taqqoslash, tahlil qilish, taxmin qilish va xulosa(lar) chiqarish	7

IV. Baholash mezonlari

Test topshiruvchining natijasini (raw score) hisoblash uchun har bir to'g'ri javobga 2 ball, noto'g'ri javobga 0 ball beriladi. Maksimal 100 ballni tashkil qiladi.

V. Imtihon tartibi

Taqiqlangan vositalar: imtihon vaqtida mobil telefon, aqlli soat, planshet yoki elektron eslatmalardan foydalanish qat'iyan man etiladi.

Axloq va intizom: nusxa ko'chirish, yordam so'rash yoki yordam berish, imtihon davomida gaplashish, ruxsatsiz chiqish kabi holatlar taqiqlanadi.

Nazoratchi qoidabuzarlikni aniqlaganda, uni rasmiylashtirib, tinglovchini testdan chetlashtiradi va natijasi bekor qilinadi.

VI. Inklyuziya va moslashtirish

Alohida ehtiyoji bor talabgorlar uchun qo'shimcha 15% vaqt beriladi. Shuningdek, topshiriqlarning berilish shakli va turi ham ularga mos va qulay shaklda taqdim etiladi. Ko'rish sohasida imkoniyati cheklangan talabgorlar savollarni o'qib berishi uchun maxsus texnik yordamchi bilan kelishiga ruxsat etiladi, faqat savolning to'g'ri javobini aytishi mumkin emas.

VII. Tavsiya etiladigan asosiy adabiyotlar

1. Reed, S., & Bentley, K. (2021). *Guess What? Student's Book 5*. Cambridge University Press.
2. Reed, S., & Bentley, K. (2021). *Guess What? Student's Book 6*. Cambridge University Press.
3. Kosta, J., & Williams, M. (2021). *Prepare! Grade 7*. Cambridge University Press.
4. Kosta, J., & Williams, M. (2021). *Prepare! Grade 8*. Cambridge University Press.
5. Kosta, J., & Williams, M. (2021). *Prepare! Grade 9*. Cambridge University Press.
6. Styring, J., & Tims, N. (2021). *Prepare! Grade 10*. Cambridge University Press.
7. Joseph, N., & Chilton, H. (2021). *Prepare! Grade 11*. Cambridge University Press.
8. Swan, M. (2017). *Practical English Usage*. Oxford University Press.
9. Hewings, M. (2023). *Advanced Grammar in Use* (4th ed.). Cambridge University Press.
10. McCarthy, M., & O'Dell, F. (2017). *English Vocabulary in Use: Advanced: Vocabulary Reference and Practice* (3rd ed.). Cambridge University Press.
11. O'Dell, F., & McCarthy, M. (2017). *English Collocations in Use: Advanced* (2nd ed.). Cambridge University Press.
12. Clark, B. (2021). *Pragmatics: The basics*. Routledge.
13. Peters, P. *The Cambridge Guide to English Usage*. Cambridge UP, 2004.

Pedagogika, metodika

14. Spratt, M., Pulverness, A., & Williams, M. (2011). *The TKT Course: Modules 1, 2 and 3* (2nd ed.). Cambridge University Press.
15. Thornbury, S., & Watkins, P. (2007). *The CELTA course: Trainer's manual*. Cambridge University Press.

Eslatma: test topshiriqlari mazmuni tavsiya etilgan adabiyotlarda aks etgan mazmun, tamoyil va yondashuvlar bilan moslashtiriladi, ammo test topshiriqlari to'g'ridan to'g'ri manbalardan olinmaydi. Malaka sinoviga tayyorgarlik ko'rish jarayonida tavsiya etilgan adabiyotlar eslab qolish manbai sifatida xizmat qilishdan ko'ra,

umumiy kasbiy tayyorgarlikni mustahkamlashga qaratilgan.

Ilova. Atamalar va qisqartmalar

#	CLIL	Content and Language Integrated Learning	Fan mazmuni va chet tilini integratsiyalashgan holda o‘qitish yondashuvi.
1	TBLT	Task-Based Language Teaching	Vazifaga asoslangan chet tilini o‘qitish metodikasi.
2	PPP	Presentation – Practice – Production	Taqdimot – Mashq – Erkin qo'llash bosqichlaridan iborat dars modeli.
3	CEFR	Common European Framework of Reference for Languages	Chet tillarni bilish darajasini baholashning Umumevropa tizimi.
4	CLT	Communicative Language Teaching	Kommunikativ yondashuv asosida til o‘qitish metodikasi.
5	Structural Approach		Tilning grammatik tuzilmalari ketma-ket o‘rgatiladigan yondashuv.
6	Functional Approach		Tilni kommunikativ funksiyalar orqali o‘rgatishga asoslangan yondashuv.
7	Lexical Approach		Tilni asosan so‘z birikmalari va leksik birliklar orqali o‘qitish yondashuvi.
8	Grammar-Translation Method		Grammatik qoidalar va tarjimaga asoslangan an’anaviy o‘qitish metodi.
9	Guided Discovery		O‘quvchining qoidalarini o‘qituvchi yo'naltirishi asosida mustaqil kashf etishi usuli.
10	CBL	Content-Based Learning	Muayyan fan mazmuni orqali tilni o‘qitish yondashuvi.
11	Framework		Nazariy yoki metodik konseptual model.
12	Register		Nutq uslubi (rasmiy, norasmiy va boshqalar).
13	Collocation		Birga tabiiy qo‘llaniladigan so‘zlar birikmasi.
14	Near-synonym		Ma’nosi yaqin, ammo qo‘llanishi turlicha bo‘lgan so‘zlar.
15	Literal		So‘z yoki gapning bevosita (to‘g‘ridan-

	Meaning		to'g'ri) ma'nosi.
16	Discourse		Kontekstda bog'langan og'zaki yoki yozma nutq.
17	Inference		Matnda bevosita aytilmagan ma'lumotni mantiqan chiqarish.
18	Communicative Competence		Tilni turli vaziyatlarda samarali qo'llay olish kompetensiyasi.
19	Scenario		Muayyan pedagogik yoki kommunikativ vaziyat tavsifi.